

آبونه شرافتی : هر يک آيون
سنه لکي (٤٠٠) التي ايلني
(٢٢٥) ؛ ممالک اجنبيه ايجون
سنه لکي (٤٥٠) ، آلي آيلني
(٢٥٠) غروشدر .

نسخه سي ٧٠٥ غروشدر .
سنه لکي ٥٢ عدددر .

اداره خانه : باب عالی جاده سنده
رشيد افندی خانه

اخطارات

آبونه بدلي پشندر .

مسلكه موافق آثار مع المنونيه
قبول اولنور . درج ايدلن
يازيلر اعاده اولنماز .

والله يهدي من يشاء الى صراط مستقيم

باش محرر
محمد حاكف

صاحب و مدير
اشرف اديب

تذکره اشرف اديب

تذکره سي پشندره آيون
غروش کوندر لمليدر .

مکتوبلرک امضاری واضح
واوقوناقلی اولسی وآبونه
صره نومروسی محتوی
بولونسی لازمدر

ممالک اجنبيه ايجون آيونه
اولانلرک آدرسلرينک
فرانسزجه يازلسی رجا اولنور .

پاره کوندرلدیکی زمان نهيه
داثر اولدینقی بيلدیرلسی
رجا اولنور

اتبعون اهدکم سبيل الرشاد

و تحقیق اولئامشدر . بونکله برابر ، بوتحققات پک ضروری ایدی .
 زیرا ، قرآن اسکی هر شئی بیقان ، و یکی طوغان بر هیئت اجتماعیه نك
 اخلاقی ، فکری و مدنی بالجمله احتیاجاتی ایچون بدرقه حرکات اولاجق
 دستورلری احتوا ایتمکده ایدی . فقط قرآنی یالکیز پرستشکارلری
 تعمیق ایتمه مشدر . حقیقی انکار ایدنلر ، خرافانه آداملر ، احتراصات
 وهوسات شهوانیه لرینه اسیر اولانلر ، والحاصل نظام ، قانون و تجددی
 سومه یینلر دخی انجق بر مقصد مهینانه ایله قرآنک هر کله وسطرینی
 تنقیده چالشمشدر . واقعا یالکیز کوردکاری شیرلی صحیح ظن ایدن
 کوته یینلره ظواهرک غلط و اعتقاده غیر لایق ادرلینغی و اولنلرک آرقه سنده
 لمزل ، لایزال بر حقیقت واحده نك بوتون قدرتیله شتون واکوانه
 حاکم بولندینغی خبر ویرن قرآنی اوفرینغه حواس اولانلرک دفعه
 تصدیق ایتمسی نه قدرمشکلدی ! شراب ایچمه ییکیز ، قوما راویسامایکیز ،
 خطابه هدف اولان هوا پرست و اسیر شهوت کیمسه لر قرآنک بومنع
 و تحذیرندن ناصل خوشنود اولاییلرلردی ؟ ترازوی و آرشونله طوغری
 اولچیکیز ، ماللریکیزه حیلله قاریشیدیرمایکیز ، عقود و مقاولاته تماماً
 رعایت ایدیکیز ، کبی مؤکد تنبیه لر انصافسز و وجدانسز انسانک ایشلرینه
 کلیرمیدی ؟ بعضاً کندی قیزلری و یا خود دون وفات ایتش باباسنک
 حرملری ایله ازدواج ایتک کبی حسیات نجیبه انسانیه بی فوق العاده
 رنجیده ایدن عادات جاهلیه بی قرآن شدتله منع ایتمشدی . فقط
 او وضعیتده اولانلر بومنع عیتدن دلکیر اولمشلردی . کذلک مدیونلره
 خطاباً : « بوندن بویله فائض ویرمه ییکیز ، ایشله مش فائضلر ملغاندر ،
 بورجلری یکیزکده یالکیز رأس المالی کنیشلک و قنکرده ویررسکیز ،
 دییه خطاب ایدن قرآنی مراتجه جیلر و سرمایه دارلر ناصل سوه بیله جکدی ؟
 قرآن افراد آراسنده مساوات کامله بی ترویج ایتدیکی ایچون اصلاحات
 اجتماعیه بی کندی منافع ذاتیه لرینه مخالف عد ایدنلرده بویکی قاعده دن
 هیچ خوشلانما مشدی . بوکون بیله مثلاً آرنای و اولدقده برقادین قیزچوجق
 طوغور و ورسه بویوک برقباحت ایشله مش کبی کونلرجه آناسنک باباسنک
 وزوجنک یوزینه چیقاماز . عربساند ، زمان جاهلیتده بو عادت جاهلانلرک
 پک فنا نتیجیلری واردی . زیرا قیزچوجقلرینی معین بریاشنه کلدکلری
 وقت بالذات بابالری طوبراق قازارق ایچنه دیری دیری کومرلردی .
 قرآن بو عادت وحشیانه بی قطعاً منع ایتمشدی . فضله اولارق ، نجی
 شفیق کندی قیزچوجقلرینی دیزینه او طور دوب او قشاردی . اوزمانک
 عادات جاهلانلر سیله مؤلف اولانلر نجی الرحمه افدمزک بومعامله جمیله سنه
 فوق العاده تعجب ایتمشلردی . هیچ شیهه بیوک که بو حادثه مهمه قادینلق
 تاریخنده آلتون حروفله یازیللاجق بر انقلاب ایدی !
 قرآن ، موسویت و عیسویتک احکامی ده فسخ ایتدیکندن اجبار
 یهود ایله رهایی عیسویت دخی قرآنک دشمنلری صیراسنه کچمشلردی .

علیه الصلاة و السلام افدمزک سنق ده ، مضبوط و احکامی محفوظدر .
 احکامه متعلق باشلیجه احادیث بشیوزی تجاوز ایتمز . بونلری ایضاح
 و تفصیل ایدن احادیثک کافه سی ده ، (ابن الزیم) ک بیاننه نظراً ، اون
 بیکی بالغدر . آیات قرآنیه ایله احادیث نبویه نك بو قدرینی تحصیل
 ایتک ، مصالح عبادی تعطیل ، یا خود کیجه لر یله کوندوزلرینی اشغال
 ایدمک بر ماهیتده میدر ؟
 علمای اسلامک ، آیات احکام و احادیث عبادات ایله معاملات
 ضروریه بی بر اثر دروننده طوبیلایه رق بونی بین الناس نشر ایتلری
 دها طوغری اولمازمیدی ؟ بویله حرکت ایتش اولسه لر معالم اسلامی
 و سلف صالحک دورینی احیا ، مسلمانلری تارمار ، شوکتلرینی ازاله
 ایدن اختلافات مذهبی نك آثارینی اعما ایدرلردی .

قرآن ندر ؟

قرآنی ترکیب ایدن آیتلر ۲۵ سنه ایچنده نازل اولمشدر . بناء علیه
 بونلرک معناسنی ایجه آکلامق و حکمتی تقدیر ایده بیلیمک ایچون ،
 اول امرده نه کبی اسباب و حادثاتک تأثیر یله وارد ، هانکیلری محکم
 و یا متشابه و هانکیلری ناسخ و یا منسوخ اولدینغی بیلیمه لیدر . اوندن
 سوکرا ، اوتاریخده و اوندن اولکی زمانلرده عربلرک اخلاق ،
 عادات ، طبایع ، عنعنات ، عقاید ، اساطیر ، امثال حکمییه و ادبیانه
 بحق واقف اولمق لازمدر . عمومی تاریخک ، علوم طبیعییه و فیزیقیه نك
 اوزمانکی شکلله شیمدیکی مباحثک هیچ اولمازسه خطوط عمومیه سنی
 بیلیمکده کی الزمیتی ده بیان حاجت وارمیدر ؟ اساساً بومعلومات یالکیز
 قرآنک معناسنی آکلامق ایچون دکل ، اونک تاریخده آجدینی
 دور تجدد و انقیادک اهمیت و عظمتی تقدیر و موازنه ایچون ده الزمدر .
 بوندن باشقه ، قرآنک آکلامق و آکلامق ایسته یین بر کیمسه نك برده
 علم موهبه سی اولمق بویله کیمسه نك فقط بوییلکی آنجق علمیه عادل
 اولان اکاملده حاصل ایتدیکنلرک لایق ایدر . خلاصه کلام شو بحث
 ایتدیکم اسباب ایله درک ایتدیکنلرک ناصل یازیللاجق ، ناصل
 او قوناجق ، مستقل بر علم ایتدیکنلرک ناصل ایتدیکنلرک ؟ اوندن سوکرا
 جمله لرک مفردات و ترکیب اعتباریله ناصل ایتدیکنلرک ، صرفاً و نجوآ ،
 بیان ایله بدیع و معانی جهتدن مورخینه ناصل ایتدیکنلرک ؟ و بوکله وجه لر دن
 استنباط اولنان معناری تأیید ایتدیکنلرک ناصل ایتدیکنلرک ؟ عربک آتاری
 ایچنده شواهد و ارسه هب تحقیق اولمش ، بوندن باشقه آیتلرک معنارینی
 توضیح ایدن حدیثلرده بررررر طوبیلائیش ، چونکه آیات قرآنیه دن
 مطالب اولان معناری ایضاحه هر کس دن زیاده البته صاحب وحی
 افدمزک صلاحیتدار ایدی . شو حالده قرآن قدر هیچ بر کتاب تعمیق

نیچون عبرتله باقادیغمیزی قرآن بر چوق دفعه صورییور . هر شینک چیفت یارادلیغنی ، روزکارلرک نباتات آراسنده واسطه تلقیح اولان غبار طلعی محل مخصوصه ناصل سوق ایتدیکنی قرآن نه قدر شیرین بر افاده ایله آکلادییور . روزکارک ، یاغوردک ، شمشک وییلدیریمک ، کیجه وکوندوزک ، سماک ، ییلدیزلرک وکونشک کندینه مخصوص حالات وحادثاته عطف نظر تدقیقات ایله انسانلرک استبصار حقیقت ایلمنی قرآن مکرراً توصیه دن خالی قالمیور . بو حلاله معانی قرآنیه دن بحق ذوقیاب اولق ایچون علوم طبیعیه و فیزیقه ده مطلقاً تمق ایتمک لازمدر . آریلرک ، اوروجکلرک ، دیگر صنوف حیوانات کی کندیلرینه مخصوص بر صنعتلری واردر . فقط اونلر بو صنعتلری ده طوغان کن بیلیرلر ، بزم کی سنه لجه تحصیله محتاج دکلدلرلر . قرآن بو خصوصه ده نظر دققی جلب ایدیور . انسانک بوتون عجز جسمانیسنه رغماً قوه عقلیه سیله ناصل روزکارلره تصرفله دکزلرده سفینه لری یوریتدکلرندن ودها ناصل هنوز بیلمه یین وکورولمه یین مرا کبک ایجاد ایدیله چکندن بختله نوع بشره بخش ایلمش اولان بوالطف الهیه دن نیچون توافل اولندیغنی قرآن صورییور .

۲ - بودستور اصلی توحیدک نتایجندن اولارق قرآن نظرنده شرکی ایما ایدن هرشی مردوددر . بناء علیه دعا یالکز الله یاپیلیر ؛ مرحت ، غایت ورزق آنجق الله دن ایستیلیر ؛ مغیباتی یالکز الله بیلیر . خیر وشره یالکز الله قادردر . شو حاله طاشی و طوبرافی اوپمک ، تربه شبکه لرینه آل ویوز سورمک ، بامقله لرینه ویا آغاج داللرینه ایپلک باغلامق کی شیلرک قرآن نظرنده هیچ برقیتمی بو قدر . چونکه قرآن خرافانه آچیقندن آجیه اعلان خصومت ایتشددر . روح قرآنی الک زیاده اینجیدن شیلر اوکی عادات و مراسم باطله در . بناء علیه قرآن ، انسانک هرایشنده حصول موقیت ایچون اولا اونک اسباب مادیسنی احضار ایتسنی اخطار ایلمکده در . زیرا انسان ایچون سمیندن باشقه مداراستاد اولامایه چی او کتاب اقدسک قواعد اساسیه سنددر . مدینه یی دشمنه قارشی مدافعه ایچون اطرافنه خندک قازدیران ، حربه کیده چکی وقت بلنه فلینج قوشانان ، اوندن باشقه کوملکی آلتنه بعضاً ایکی قات زره کین او قرآنی بزدن چوق ای بیلن محمد علیه السلام دکلیدر ؟

۳ - قرآن ، جسمانی و معنوی باجمله حرکاتمزرده طهارتی مبدأ آنخاد ایتمکده در . حفظ صحت علمی نه قدر ترقی ایدرسه ایتسین ، قرآنک امر ایتدیکی بویوک و کوچک بیقانعغه عائد قواعد و آدابک ایلرینه کیده من . فکری و قلبی حرکاتمزرک خلوص و عصمته مقارن ایلماسی لزومی ده طهارت روحیه دن باشقه بر شی دکلدر . قرآنک اوقات معینه ده اجراسنی تکلیف ایتدیکی جسماً آباقده دورمق ، اکیلمک ،

ایشته بوسبیلدرکه اونی بزه تبلیع ایدن نبی ذیشانه بعضاً شاعردر ، بعضاً کاهندر ، یا خود مصروع و مجنوندر ، دیمکدن چکینه مش اولدقلری کی کتابی ده جرح ایچون اول و آخر بوتون قوتلرینی صرف ایتشلردی . ماراجی اسنده بر راهب قرآنی کویا تنقید و تزییف ایچون قرقسنه چالیشمشدی . یا اهل صلیب محاربه لری نیچوندی ؟ فقط بوتون بوقانلی محاربه لر « غلادستون » کده اعماقی ایسته دیکی کتابی یریوزندن قالدیره مامشدی .

بوصوک کونلرده پارسده (قولژدو فرانس) ک ادبیات عربیه معلمی قازانوانک تنقیدلرینه شاهد اولیوروز . حسین جاهد بک بر مستشرق اسلام تاریخی ترجمه باشلامش ، یاقینده نشر ایده چکمش . کاشکه مومی الهک علم کسوه سی آلتنده کی تعریضلرینک ده جوابلرینی ترجمه سنه علاوه ایتسه ییدی ا بونکله برابر ، بو « قازانوا » یه بوسبوتون شیمة انصافدن عاری دینه من . چونکه هیچ اولمازه ، نبی ذیشانک دعواسنده کاذب اولما دیغنی و صدق نبوتنه عن صمیم القلب معتقد اولدیغنی اعتراف ایدیور . یالکز نبی مشسار الهک وحی ظن ایتدیکی حادثه یه بر « تلقین بنفسه » دینه بیلیرمش .

۱ - قرآن هر شیندن اول توحیدی تعالیم ایدر . قرآن ، طاه بشری آل ایله طوتولمایان ، کوزله کورولما یین عوالمک ناظم و مدیزی اول و آخر و ظاهر و باطن ، ارواحده عبادته دعوت ایتمکده در . انسانلری اینجنده یا شادقلری اساطیر و خرافاتک نیجه تصدیقندن قورتارمغه ، کندیلرینی طاش و طوبراقدن یاپلش بوتلره طابقی کی الک سفلی بردرکه مذلتدن قالدیرمغه معطوف اولان بو تعالیم ، ترقیات ذهنیه بشریه نک اقصای مراتبی دکلیدر ؛ علوم جدیده نک الک طالی مطلبی حادثات طبیعیه نک تابع اولدیغنی مختلف قانونلری بالنهایه الک عمومی بر قانونه ارجاع ایلمکدن عبارتدر . واقعا حکیم (هر بر سنسر) ک دیدیکی کی علمک غایه سی توحیددر .

قرآن ، متعدد و متنوع برهانلره تأیید ایتدیکی بودستور لایزالی نک اذهان و قلوبده تماماً استقراری ایچون انسانی متبادیاً الواح مختلفه طبیعت اوزرینه اماله نظره تشویق ایتمکده در . مثلاً ارضک و سمواتک حالت ابتداییه سی « دخان » یعنی غاز اولدیغنی صراحة سوبلدکدن سوکرا امر تکوینده کی مراتب تکاملی تلخیصاً تصویر ایدن قرآن ، صلب پردن رحم مادده انتقال ایدن بر قطره لطفه نک اوراده کیره چکی صفحات تکاملی ده کندینه مخصوص برلسان اهاز ایله اجمال وقارلرینی دوشونمکه دعوت ایلمکده در .

شدت حرارتدن قورومش و اوتیه سی بریسی چاتلامش طوبراقلرک اینجندن یشیل اوتلرک ناصل باشاردیغنه و کوزلره فرح و یرن چیچکلرک ناصل ، آچدیغنه ، اولمش ارضک ناصل حیات تازه کسب ایتدیکنه

یره باشی قویمق و خفیفجه اوطورمق، دن و روحاً بر توجه تام و تأملدن مؤلف اولان عبادت بدنیه هم روحك و هم بدنك محافظه صحیحی ایچون اكل بر واسطه در . هله فابریقه لرده و یامعدن قویولرنده افنای حیات ایدن عمله ایچون مجبوری استراحت ساعتلی ایسته ن نظریاتجیلر ، بویله معین زمانلرده تعطیل مساعی ایدرك صوتوق صو ایله اللرنی ، بوزینی و آیاقلرنی بیقادقدن صکره خفیف بر عبادتله تنفس امکانی تأمین ایدن بر دستور قبول ایتسه لردی مسئله بی پك معقول بر صورتده حل ایتمش اولور لردی .

۴- بشریتك شرط اقدم سعادتلی هر فردك هیئت اجتماعیه انسانییه خادم اولماسیدر. قرآنك بوزلرجه امرلندن بومقصد واضحاً آکلاشیلور. زیرا جماعتلر ایش کورمك ، هر ایشده مشورتله حرکت ایتك بهمه حال طامنهك منافعه یارایاجق حرکتلر یعنی تعمیر قرآنسیله اعمال صالحه ده بولمق خصوصاً لرنده کی امرلره قرآنك همان هر صحیفه سنده تصادف اولمقده در . بو مقصد طالی تأمین ایچون جاهلری ، طامل و باطل کزن تنبلری ، مسرفلری ، یتیم مالنی بین کیمسه لری هیچ سومه دیکنی قرآن قطعیتله خبر ویرمکده در . هله غیرك حقته تجاوز قرآن نظرنده هیچ بر وجهله عفو ایدیه میه جك بر قباحتر . والحاصل بر جمعیت عالیه مدنیه تأسیسی ایچون لزم اولان نه قدر دطایم متینه وقویه وارسه قرآن اولنرك هپنی احتوا ایتکده در .

افراد جمعیتك خدمات عمومیه بی تأمین ایچون صرفی اقتضا ایدن مبالنی تسویه ایتلری ده قرآنك اوامر قطعیه سندندر .

۵- قرآنك اوامرونواهیسنده باشلیجه قوه تأییدیه سی تبشیرایله انذاردر . یعنی قرآن ایلری جنتله تبشیر ایتکده ، قناری آتشله قورقوتمقده در . فقط نکاه و مزایای قرآنییه انفاذ نظر اولنورسه کوریلورکه بو کتاب هر کسه بو منزل فنا پذیردن دارابده انتقال ایتدیکی وقت کیره جکی جنت ویا جهنمی بالذات کنديسنك بودنیاده ایکن انشا و احضار ایتدیکی آکلا تمقده در . چونکه بو دنیاده کور اولنرك او بر دنیاده کور قالا جفنی خبر ویرر و قرآنه کوره ، بو دنیا انسانك بالقوه حائر اولدینی کلالنی موقع فعله چیقاره بیله جکی بر مکتب ، بر مزرعه در . اعصابه رخاوت ویرن معتدل بر حرارتله ایصینمش ، خفیف بر ضیا ایله منور و کوزل قوقولرله معطر براوطه ایچنده قوش توبندن شلته لر اوزرینه اوزامش بر آدامك او یودینی ائنده احوال ظاهره سی . لکن راحت و مسعود اولدینه دلالت ایدر. فقط او کیمسه شهوات نفسانیه سنه مغلوب بر چوق فناقلری ارتکاب ایتمش بر کیمسه ایسه او یقوسنده بعضاً فوق العاده اضطرابله ایگله مسی ، شدتلی قورقور کچیر مسی ، آغلامه سی ، اشکنه جلرله تعذیب ایدلمسی ممکندر . مادی اولسایان ، فقط مادی ایش کبی مؤثر اولان بو حالات احوال

اخرویه بی تصور ایده بیلمك ایچون کوزل بر مثالدر . فقط قرآن طامه بشره خطاب ایتدیکندن بو احوالی فهم و اذعانك مراتب مختلفه سنه کوره تصویر ایتمشدر . مع هذا حالات اخرویه نك تعمیقنه کیمه مكن مناسبدر . زیرا عقل قاصر ایله حل ایدیه جك شیلر دکلددر . احوال و شرائطی بوسوتون مختلف اولان بر طامك تفصیلاتی بوا یچنده یا شاد یغمز طامك احوالیله مقایسه ایتك ممکن اولامیه جفنی ینه عقلمز خبر ویریور . ایضاحات سابقه یه کوره ، قرآنك بر یوزندن ظلمت جهالتی ازاله ایتدیکی ایچون نور ، طالب حقیقت اولانلره طوغری یولی کوستردیکی ایچون هدی ، مایوس و مفتور اولانلره امید و جسارت و یردیکی ایچون شفا و عامه بشره سعادت وعد ایتدیکی ایچون محض رحمت اولدینغی تصدیق ایتك ذمت انصافه مترتب بر وظیفه در .

اقسام محمد علی عینی

اجتماعیانه غربیلقی و بوزغونچیلق :

مدنیت ، ترقیات مادیه ده سی عبارتدر ؟

بالعموم علما و حکمای جهان انسانلرك مدنی الطبع اولسنده متفق بولنمقده درلر . مدنیت تعیری نوع بشرك شهر لرده ، کویلرده ، طوپلو بر حالده یشاملری معناسنی افاده ایدر . چونکه احتیاجات متنوعه انسانیه نك تطمین و تهوینی امرنده فردلر نه قدر صرف مساعی ایتسه لر موفق اولامیه جقلری بدیهی و بوضرورتلرك تسویه سی مطلقاً متعدد کیمسه لرك اشتراك ایده جکلری بر سعی و عمله متوقف بولنسی پك طبیعیدر. لغوی معناده بالاده کی مفهوم لری افاده ایدن مدنیت ؛ معنای حقیقتده جمعیت بشریه نك حضور و آسایشله رفاه ، سعادت و انتظام اساسلرنی جامع برکلددر. شو حاله نظراً افعال استقرائیه نك ، تکملات آلیه نك ، یا ککش بر تلقی نتیجه سی اوله رق ، مدنیت اصلیه عد اولنسی ممکن دکلددر .

زمانمزده کی مؤسسات صناعیه یه ، دمیریولرینه ، منتظم شهرلره ، ثروت و تجارتیه ، بیوک واپورلره ، طیاره لره ، معدنلره ، تأسیسات نافعیه باقهرق هپمز ایشته مدنیت دیوروز . حالبوکه ، بونلر بالذات مدنیت دکل ، ظواهر مدنیه در .

بتون بو وسائط ، احتیاجات انسانیه نك تهوینی مقصدینه معطوف ، تجربه و تدقیقه مستند حرکات استقرائیه نك نتیجه سیدر . مقصدی توضیح ایچون ضرب مدنیتك حقیقی جهه سی کوزدن کچیره لم .

ضرب مدنیتی ناصل بر مدنیتدر ؟ ... بو منظومه افرادی عجبارفاه و سعادتلی اقطاف ایتشمیدر ؟ ضرب ، هیچ شبهه یوقدرکه ظاهری معناسیله بر مدنیت محیطیدر . علوم و فنونك ترقیسی ، برچوق کشفیاتی